

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na 9. Zajedničkoj sjednici Predstavničkog doma i Doma naroda, održanoj 7. maja 2008. godine, usvojila je

## ZAKON

### O IZMJENAMA I DOPUNAMA IZBORNOG ZAKONA BOSNE I HERCEGOVINE

#### Član 1.

U Izbornom zakonu Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 32/07 i 33/08) član 20.9. mijenja se i glasi:

#### "Član 20.9.

- (1) Izuzetno, za općinske izbore 2008. godine, sva lica koja imaju biračko pravo a koja su imala mjesto svog prebivališta u općini Srebrenica, prema posljednjem popisu stanovništva izvršenom u Bosni i Hercegovini, imat će pravo da se upišu u birački spisak kako bi glasala lično ili u odsustvu za općinu Srebrenica, bez obzira imaju li status izbjeglice ili raseljenog lica i bez obzira jesu li zasnovala prebivalište izvan općine Srebrenica.
- (2) Lica iz stava (1) ovog člana imaju pravo odlučiti da glasaju za općinu u kojoj trenutno prebivaju ili za općinu Srebrenica.
- (3) Centralna izborna komisija BiH dalje će urediti proceduru upisivanja lica iz stava (1) ovog člana."

#### Član 2.

U članu 1.1a. u stavu (8) riječi: "Pripadnik nacionalne manjine je državljanin BiH" mijenjaju se riječima: "Pripadnik nacionalne manjine podrazumijeva državljanina Bosne i Hercegovine".

U istom članu u stavu (9) riječi: "Raseljeno lice je državljanin Bosne i Hercegovine" mijenjaju se riječima: "Raseljeno lice podrazumijeva državljanina Bosne i Hercegovine".

#### Član 3.

U članu 4.3. iza riječi "dokaz" dodaju se riječi: "koji nije stariji od 60 dana" i u trećoj rečenici riječ "zahtjev" zamjenjuje se riječju "prijavu".

#### Član 4.

Ovaj Zakon stupa na snagu danom objavljivanja u "Službenom glasniku BiH".

---

PSBiH broj 186/08  
7. maja 2008. godine  
Sarajevo

---

Predsjedavajući  
Predstavničkog doma  
Parlamentarne skupštine BiH  
dr. Milorad Živković, s. r.

---

Predsjedavajući  
Doma naroda  
Parlamentarne skupštine BiH  
**Sulejman Tihić, s. r.**